

**109. Puntua****Aukeratua:A**

Barne mailako demokrazia parte-hartzaileari dagokionez, bai ildo politikoaren zehaztapenean, bai barne eta kanpo ordezkarien hautapenean, eta bai ekarpenak eta parte-hartzeak egiteko unean, parte hartzeko bideak eta kontsultak jorratuko ditugu etengabe, herrietako egiturei iritzia eskatuz eta Nazio Batzarren paper erabakitzaileagoa eta maiztasun handiagokoa emanez, gaur arte izan dugun barne komunikazio mugatua gaindituz. Kultura horretan sakondu behar dugu, SORTUren barne bizitza etengabe elikatuz eta parte-hartzea bultzatuz. Batzar dinamikak alboratu gabe, sare bidezko funtzionamendua garatuko dugu teknologia berriak baliatuz.

**110. Puntua****Aukeratua:A**

Euskarari lehentasuna emateari dagokionez. 1996An Herritarren Batasunaren baitan eta Ezker Abertzalearen barruan abian jarri zen eta hain emaitza ona izan zuen Euskararen Plan orokorra ardatz harturik, SORTUK lan ildo berari eutsiko dio. Helburu hori erdiesteko asmoz, SORTUK Euskararen Plan berria onartuko du. Bitartean, barrura begira bere egitura eta atal nagusi guztiek euskara hutsez funtzionatuko dute (nazio mailakoak, herrialde mailakoak, herri euskaldunetakoak eta hirietakoak), eta ondorioz, bertako partaide guztiak euskaldunak izango dira. Zonalde erdaldunduenetako herri eta auzoetan soilik bi hizkuntzatan funtzionatuko du SORTUK. Nazio Batzarretan zonalde hauetatik datozen militanteek parte hartzeko aukera izan dezaten bitartekoak jarriko dira. Gauzak horrela, lurralde eremuak kontuan izani, ezarritako hizkuntza irizpideak bete beharko dituzte bai hautetsiek, bai arduradunek eta baita kanpora begirako lan ideologikoak, komunikatiboak zein prentsa arlokoak ere. Hori horrela izan dadin, bere garaian onartu eta abian jarri zen Aholkularitza egitura berriz bideratuko dugu eta oraindik euskara ikasi ez duten militanteak horretara bultzatuko ditugu.

**111. Puntua****Aukeratua:B**

(111) eta (112) puntuak batu ondorengo testuan: Garatu nahi dugun jendarte ereduarekin koherentzian; Euskal Herri independente, sozialista, euskaldun eta feminista; Sortuk, bai bere praktika politikoan bai eta barne bizitzan printzipio feministak izango ditu oinarri. Antolakuntza egitura osoan parekidetasuna helburu bezala ezarriko da eta Sortuko militante eta arduradunek koherentzia feminista barneratu eta praktikara eramango dute. Hauteskunde prozesuetan helburua parekidetasuna izango da. Era berean, ardura postuetan emakumeen ordezkariak eta parte hartzea bermatuko da, kanpo nahiz barne proiektuetan. Emakumeen sustapena bultzatuko da eta horretarako ekimen positiboak lehenetsiko dira, beharrezkoak diren neurri eta bateragarritasun irizpideak ezarri. Horretaz gain, genero diskriminazioa gainditzeko eta militante ereduaren aurrera urratsak emateko, barne transformaziorako plan bat martxan jarriko da horretarako beharrezkoak diren irizpide, neurri eta tresnez osatua. Barne plan hau; Sorturen barne bizitzan perspektiba feminista zehar-lerro gisa barneratu eta Sortu, transformazio sozialerako motorra izanik, jendartean politika feminista baten adierazgarria izan dadin jarri beharko genituzkeen neurri zehatzen ezarpena; Sorturen egitura guztietan txertatua egongo den emakume militante feministen parte hartzeaz bermatua izango da, herri, herrialde nahiz eremu nazionalen. Hau da, Sortuk, zuzendaritza organo guztietan militante feministen sare bat osatuko duten ordezkariak izango ditu, Barne Plan hori osatzea ahalbidetuko dutenak eta jendarteari politika feminista espezifiko bat plazaratuko diotenak. Hau lortzeko beharrezkoa da pertsona, jarrera, baldintza eta baloreak moldatzea. Sortu borroka feministan eredu izango den indar politikoa izan behar da eta hori perspektiba, kontzientzia eta praktika feminista lantzetik etorriko da, indar politikoaren barnean nahiz kanpoan. Ez da eskubide kontua, definitzen gaituen helburu estrategikoen bidea jorratzeko Sortuk daukan nahitaezko bete beharra da.

**113. Puntua****Aukeratua:B**

Zutik EH eta SORTUren zutabeak bi izango lirake: 1. Aliantza politika eta honen ondorio den indar metaketa. 2. Independentzia eta Sozialismoaren aldeko borroka taktiko eta estrategikoa bermatuko duen motor Ezkertiar eta Abertzalaren sorrera. Akordio nazional horrek hauteskundeetarako kandidatura eta instituzioen kudeaketa gainditu behar ditu, nazio eraikuntza eta eraldaketa soziala plano ideologikoan, masa borrokan eta borroka instituzionalean bultzatuz. Gauzak horrela, indar horiekin lana bideratzeko sortuko diren egitura bateratuetan parte hartuko du SORTUren ordezkariak (nazionaletan, herrialdekoetan, sektorialetan nahiz herrietakoetan) eta ordezkariak horiek aurrean aipatu ditugun ezaugarriak BULTZATUKO dituzte.

**114. Puntua****Aukeratua:A**

Nola ez, Zutik EHren ondorioak garatzeko orduan, funtzionamendu eta antolaketa eredu berritzeaz gain, militantziaren eredu berria ere bultzatu behar du SORTUK. SORTUrako behar dugun militantzari dinamizatzaile soziopolitikoa izatea dagokio, sektore ezberdinen arteko elkarlana eta auzolana bultzatuz beti. Era berean, egon daitezkeen militantzia maila eta modu ezberdinak ulertu eta bultzatu behar ditu, ahalik eta pertsona gehieni SORTUren ateak eta parte hartzeko aukerak zabalduz. Militantea izateko dauden modu ezberdinak onartu eta bultzatu behar ditu, militantzia hori kasu askotan bikoitza izango dela onartuz, batez ere herri erakundeetan daudenean lanean ari denean. Beraien erritimoak eta ideiak onartzeko prest egon behar du, herri erakundeak transmisio uhaltzat hartu gabe. Horregatik, herri erakundeen eta haien militanten protagonismoa bultzatu behar du, haien eta SORTUren arteko harreman egokiak, ez-menperatzaileak bideratuz. SORTUko militantzaren lan nagusia, beraz, SORTU indartzeaz gain, herri mugimenduekiko elkarlan zabala egituratzea izango da, horretarako behar duen formakuntza ideologiko eta politiko osoa jasoz. Era berean, independentziaren eta sozialismoaren aldeko borroka eredu koherentea izan behar du bere bizitza ereduaren. Horretarako SORTUko militantzaren "dekalogo" osatu eta onartuko da eta Berme Batzordea izango da horren betetzeaz arduratuko dena. Bertan, militanten oinarriko jarrera pertsonalez argipenak emango lirake, eta baita militanteek zein sortukideek estrukturrekin izan ditzaketen arazoek ere, hala nola SORTUren barne bizitzan parte hartzeko eskubideez.

**115. Puntua****Aukeratua:B**

SORTU bi kide mota egongo dira. Lehena, eta zabalena, oinarri sozialeko kidea izango da, normalean barne bizitza organizatiboan gutxi parte hartzen duena -auzo eta herri batzarretan ez bada-, baina ekimen eta manifestazioetara doana. Bigarrena, militantea izango da, SORTUko egiturari zein herri erakunde ezberdinetan iraunkorki lanean diharduena eta barne bizitza organizatiboan parte-hartze aktiboa duena. Bi kideek dute herri edo auzo batzarretan parte hartzeko eta erabakitze eskubidea; ez, aldiz, Herrialde Batzarretan, Nazio Batzarrean eta Kongresuan, bertako partaide izateko barne hauteskundeetan hautatua izan behar baita. Oinarri sozialeko kideak barne hauteskunde prozesuetan hautagai izatetik hautatu izatera pasatzen direnean, militante bilakatuko dira. SORTUren barne hauteskunde prozesuetan hautatuak izaten direnek beraien kargua SORTUren esku utziko dute beti, eta, SORTUren printzipioak errespetatzen ez badituzten edo koherentzia puskatzen badute, SORTUko kide eta hautetsi izaera gal dezakete. Horretaz gain, kuota ordaintzen duten kideak egongo dira -oinarri sozialekoak zein militanteak izango direnak-, hauek "sortukide" izango dira eta kuota ordaintze horrek ez die inolako erabaki ahalmenik edo eskumenik emango; SORTU aurrera ateratzeko egiten den ekarpen ekonomiko gisa ulertuko da soilik.

**116. Puntua****Aukeratua:A**

Barne mailako demokrazia parte-hartzailea bultzatuz, SORTUko arduradun politikoak hautatuak izango dira barne hauteskunde prozesu bidez, eta lantaldeetako kideak izendatuak. Etorkizunean, kanpo hauteskundeetan aurkeztuko diren hautagai guztiak ere dagokien lurralde eremuan barne hauteskunde prozesu bidez hautatuak izango dira. Kontrakorik esan ezean, instituzioetarako hauteskundeak zein SORTUren Kongresurakoak lau urtetik behin egiten direnez, barne zein kanpo hauteskunde prozesu bidez hautatutako arduradunak lau urterako izendatuak izango dira, eta ardura instituzional berean gehien zortzi urte bete ahal izango dituzte. Izendatu dituen markoak edozein unetan ken ditzake kargutik, horretarako aurreikusita dauden gertakariak emango balira. Barne zein kanpo hauteskunde prozesuak Berme Batzordeak zuzenduko ditu eta bere lana izango da prozedura horiek guztiak zehazten dituen araudia finkatzea.

**122. Puntua****Aukeratua:A**

Bestetik, SORTU bere Sare propioa landuko du, SORTUren militantzia eta oinarrisozial osoak SORTUren barne bizitza politikoan parte hartzea bermatzeko, SORTUko kide guztiak informatzeko, barne koherentzia indartzeko eta haien ekarpenak jasotzeko. Izan ere, beste herri erakundeek dituzten sareak bezalaxe, SORTU bere sare zabala osatuko du, bere militantzia osoa eta nazio eraikuntzaren zein eraldaketa sozialaren arloko herri erakunde edota mugimenduetan lanean diharduten bere kideak uztartuz. Militanteen lana eta dinamizazioa bultzatzeko, berezko tresnak eta bitartekoak garatuko ditu Sareak. Izan ere, gaur egun, jendarte mugimenduetan Ezker Abertzalekoak diren lagunak asko eta asko dira, baina gehienek ez dute beren herrian parte hartzen, haien zereginak nazio mailan kokaturik daudelako edota Ezker Abertzaleko egituretan parte hartzeko benetako biderik ikusten ez dutelako. Hori guztia irauli behar du SORTUren Sareak. Halako sarea antolatzeak horixe bilatzen du: harreman iraunkorra bermatzea, ildo politikoan eta kohesio ideologikoan sakontzea guztiok norabide berean jo dezagun eta bakoitzak militatzen duen eremuan eragin dezan, SORTUren barne bizitza dinamizatzeaz gain. Beraz, helburua Ezker Abertzaleak egiten dituen hausnarketa politikoak jende guzti horrekin konpartitzea eta ekarpenak jasotzea da, arloetan finkatzen ditugun erronkak bateratuz eta sozializatuz. Hori guztia da Sarearen lana. Borroka ideologikoa egiteko lehen mailako egitura da Sarea, bide batez, erabakiak hartzeko unean, barne kontsulta ez-erabakitzaileak garatzeko sistema bideratzeko aukera emango duena, ohiko batzar erabakitzaileez gain.

**124. Puntua****Aukeratua:A**

Nola ez, sartu garen fase politikoaren ezaugarriak kontuan izanik, aurrerantzean herri mobilizazioek inoiz baino garrantzi handiagoa izango dute. Hori bai, ezinbestean eraberritu beharko ditugu, deszentralizatuz eta forma berriak bilatuz. Sare sozialen bidez eginiko lana indartu beharko du SORTUk. Horrek esan nahi du teorizatu eta praktikan jarri behar ditugula konfrontazio demokratikoa, desobediencia edota intsumisioa.

**126. Puntua****Aukeratua:A**

Borroka Ideologikoaren helburua SORTUren ildo politiko orokorra zein Masa Borrokarako Gunetik egiten diren ekarpenak militantziaren baitan eta jendartean zabaltzea eta indartzea da. Bideratu nahi dugun prozesua muturreraino eramateko, SORTUren barneko kohesio ideologikoa indartzea funtsezkoa izango da etorkizunean, baita egiten dugun lana jendartean ezagutaraztea ere. Norabide horretan, militantziaren formakuntzak garrantzi osoa hartzen du. Egungo militantzia eredu berria lantzeko, ezinbestekoa da formakuntza politiko benetan lantzea. Horretarako, SORTUren Ikas-gunea antolatuko da, bertatik formakuntza lantzeko, liburuxkak argitaratzeko, mintegiak antolatzeko, eztabaida foroak dinamizatuz, formakuntzarako sareak osatzeko... SORTU osatu ondoren, Borroka Ideologikorako Gunearen lehen lanetako bat Ikas-gune hori zehaztea izango da. Formakuntzarako lan hau egunerokotasun politikitik at bideratu beharko litzateke, Formakuntzak eskatzen duen ezinbesteko autonomiarekin.

**130. Puntua****Aukeratua:B**

Borroka instituzionalari dagokionez, eremu instituzionalak garrantzi handia du ere bai. Euskal Herriak bere etorkizuna libreki erabakitzen eramango gaituen bidean, instituzioak ere gako horretan kokatu behar dira proiektu politiko ezkertiar eta abertzalearen alde indarrak biltzeko eta gure alternatiba garatzeko, beti ere masa borrokari begira, baita gure instituzioak bultzatu eta garatzeari begira ere.

#### 132. Puntua

Aukeratua:A

Nolanahi ere, borroka instituzionalak beste borroken osagarria eta haiekin bateragarria izan behar du. Horretarako, lan instituzionalaren eta beste borroken arduradunen arteko harreman zuzen, iraunkor eta sendoa lortzea ezinbestekoa izango da. Norabide horretan, ezinbestekoa da SORTUren ordezkari instituzionalak egituretan txertatuta egotea, jendarteari begira erreferentzia politikoak direlako eta SORTUren baitan oso paper garrantzitsua jokatu behar dutelako. Beraz, SORTUko kide diren hautetsiek modu aktiboan parte hartuko dute dagozkien barne egituretan, bereziki Herri Kontseiluetan alkatearen edo zinegotziren baten presentzia bermatuko delarik. Egia da beren jardura instituzionalean koalizio osoaren sintesia defendatu beharko dutela, baina horrek ez du esan nahi SORTUren barne bizitzan eta eztabaida zein erabaki politikoetan parte hartu behar ez dutenik. Gainerako egituretan bezalaxe, ordezkari instituzionalak barne hauteskunde bidez hautatuak izango dira etorkizunean.

#### 134. Puntua

Aukeratua:A

SORTUk bultzatuko duen jardura instituzionalean, herritarren nahia eta borondatea izango da erreferentzia nagusia eta berau otopatzen duen marko juridiko politikoa gainditzea izango da gure helburua.

#### 135. Puntua

Aukeratua:A

SORTUren Barne Korronteei dagokienez, SORTUk ez du bere baitan Barne Korronterik onartuko. SORTUren barruan sentsibiltate edota espazio politiko ezberdinak daudela jakin arren, eta berauek SORTUren izaera aberasten dutela jakinik, sentsibiltate edo espazio hauek ez dira SORTUren egiturako osagai organikotzat joko, barne korrontek alderdietan izan ohi diren moduan. SORTUk ez du bere baitan Barne Korronterik antolatzeko bitartekorik eskainiko. Gauzak horrela, sentsibiltate edota espazio politiko horiek ez dira bere horretan zuzendaritza organo ezberdinetan talde edota korronte antolatu modura ordezkaturik egongo eta ez dute dirurik jasoko, proposamen politiko kolektiboak egin ditzaketan arren. SORTUko kidego osoak du, SORTUkoa den heinean, SORTUren barne bizitzan, eztabaidetan, kontsultetan... parte hartzeko edota hautatua izateko eskubide bera, baina beti maila pertsonalean eta ez korronte antolatuen ordezkari gisa.

#### 136. Puntua

Aukeratua:A

SORTUren egiturak fase politiko berri honi jarri dizkiogun helburu zein ezaugarri erantzun beharko die. Fase honetako ezaugarri edota lan tresna nagusiak aliantza politika eta indar metaketa izango direnez, sortuko ditugun egiturek zein berauek osatuko dituzten kideek horri begirako antolaketa zein funtzionamendu ereduak jarri beharko dute martxan, ezinbestean. Hau oinarri hartuta, herri eta auzo guztietan Herri Kontseiluak tokiko jardura politiko osoa planifikatu eta dinamizatu beharko du. Herri edo auzo batean egin behar den jardura politiko guztia -borroka instituzionalari, borroka ideologikoari eta masa borrokari dagokien guztia- ahalik eta egokien egiteko eta uztartzeko oso egitura zabalak eta irekiak behar ditugu. Gure helburu nagusietakoa konpromiso maila desberdinak hartuko dituzten ahalik eta kide gehien lanean jartzea da. Horretarako egitura malguak eta irekiak behar ditugu. Alabaina, lan politikoa eta kide bakoitzaren denbora ahalik eta gehien optimizatzeko, egitura hauetan ardurak politikoko guztiek taxuz definituta eta banatuta egon behar dute. Halaber, finkatuko diren lan ildoen arabera -zero zabor, fracking ez, euskara ordenantza berriak...- lantaldeen bidezko funtzionamendua ahalbidetu behar da. Herriko dinamizazio politikoa garatzeko gune desberdinak aurreikusten dira. Gune hauek, esan den bezala, malguak izango dira, herriko errealitate desberdinen arabera egokitu beharko ditugu, baina zehazten ditugun helburuak lortzeko baliagarriak izan beharko dute. Hauek izango dira guneak: Herri Kontseilua, Herriko Iraunkorra, Herriko Ezkerretik-Sarea, Herri Batzarra eta herriko koalizioaren Udalgintza taldea.

#### 137. Puntua

Aukeratua:A

Herri (auzo) Kontseilua: (137) Herri Kontseiluak herri mailako jardura politiko osoa planifikatu eta dinamizatuko du. Horretarako, herriko egoeraren inguruan ikuspegi osoa emango dioten kideez osatuko da: - Herri Kontseiluko koordinatzailea - Herri Kontseiluko Finantza arduraduna - Herri Kontseiluko Komunikazio arduraduna - Borroka Instituzionalerako Gune arduraduna - Herriko Borroka Ideologikorako Gune arduraduna - Herriko Masa Borrokarako Gune arduraduna

#### 152. Puntua

Aukeratua:A

Honako kide hauek osatuko dute: Koordinazio arduraduna, Komunikazioko arduraduna, Masa Borrokaren arduraduna, Borroka Ideologikoaren arduraduna, Borroka Instituzionalaren arduraduna eta Finantza arduraduna.

**156. Puntua****Aukeratua:B**

**SORTUren hiriburuko zuzendaritzaren ildo politikoa kontrastatzeko organoa da. Bere lan nagusia hiriburuari dagozkion gai politikoak aztertzea, ildo politikoa proposatzea eta maila orokorrean zein sektorialean urteko balantzea eta hurrengo urteko aurreikuspena egitea da. Gune ireki bat izanik oinarri sozialeko ahalik eta kide gehienek parte har dezaten ahaleginduko gara.**

**\*Arrazoa: Egiturarik ez daukagun auzoetako oinarri sozialaren presentzia errazten da.**

**187. Puntua****Aukeratua:B**

**"Herrietako ordezkariak beraien Herriko Batzarraren iritzi nagusia Nazio Batzarrera eramateko mandatua izango dute. Nazio Batzarrean ez dute iritzi aldatzeko aukerarik izango eta Herriko Batzarraren erabakiak bertan defenditu beharko dituzte. Iritzia aldatzeko, aurretik Herri Batzarrari baimena eskatu beharko diote"**